

جریدہ عالیہ

مشیت جلیلہ اسلامیہ نک جریدہ راسمیہ پیدر

محرم الحرام ۱۳۳۵ [*]

عدو: ۲۷

آیدہ بر نشر اول نور

اوپنچی سنہ

(سن مقیدلرینه کوره واصل مکلفیت اولمدقلری حالده خدمت عسکریه یه الویریشلی)
(بولندقلری تین ایده جککک جلب و سوقی حقنده قانون موقت)

[تقوم وقایع ایله نشری تاریخی : ۲۹ ذی الحجه ۱۳۳۲ و ۱۴ تشرین اول ۱۳۳۲ - نوسروسی : ۲۶۸۵]

ماده : ۱ سن مقیدلرینه کوره هنوز واصل مکلفیت اولمدقلری حالده شخصلری اعتباریله خدمت عسکریه یه الویریشلی بولندقلری اخذ عسکر رؤسای طرفدن تقدیر اولنوب قابلیتلی ده اطبا معاینه سیله علی الاصول تین ایده جککک اشبو سفر برلکک ختامنده ترخیص اولنق اوزره جلب و سوق اولنور .

ماده : ۲ اشبو قانون تاریخ نشرندن اعتباراً مرعی الاجرادر .

ماده : ۳ اشبو قانونک اجرای احکامنه هیئت وکلا مأموردر .

مجلس عمومینک اجتماعنده قانونیتی تکلیف اولنق اوزره اشبو لایحه قانونیه نک موقتاً مرعیتنی و قوانین دولته علاوه سنی اراده ایلدم .

۲۶ ذی الحجه ۱۳۳۴ ۱۱ تشرین اول ۱۳۳۲

محمد رشید

حربییه ناظری و بحریه ناظری وکیل	شیخ الاسلام	صدراعظم و خارجیه ناظری وکیل
انور	موسی کاظم	محمد سعید
شورای دولت رئیس و اوقاف هایون ناظر وکیل	داخلیه ناظری و مالییه ناظر وکیل	طلعت
ابراهیم	نافعه ناظری	عباس
معارف ناظری و پوسته و تلغراف و تلفون ناظر وکیل	احمد شکری	تجارت و زراعت ناظری و عدلیه ناظر وکیل
		احمد نسیمی

قواخانه عالی مقررات قضیه سی

موصل ولایتی محکمه شرعیه سندن معطی غره ربیع الاخر ۳۳۴ تاریخلی اعلام بروجه آتی نقض اولنمشدر .
مهری مطابق ایسه ده مدعی علیه وکیل مزبور احمد افدینک افاده اخیره سنه نظراً

موكل مزبور سيد محمودك اقرارنده كاذب اولديقنه ادى السؤال طالب اولدينى تقديرده مدعى مرقومك تحليفى مقتضى اولدينى كې حادثه ده اشياء مبيعه مذ كوره نك مال مضارب به اولمى حقنده مدار غير ظاهر بولنديغندن سبكي خللدن خالى اولمدينى

★
★ ★

اينه بولى قضاسى محكمه شرعيه سندن معطى ۲۷ ربيع الاول ۳۳۴ تاريخلى اعلام بروجيه آتى نقض ايدلشدر. مهرى مطابق ايسه ده مرقوم اوخانس طرفندن تأديه وايفا ايدلديكى روش اشعاردن منفهم اولان مدعا به مبلغ مذ كور حقنده متوفاي مزبورك تركه سى عليهنده تصدى ايديلان دعوای مذ كوره نك استماعيله وجه محرر اوزره اجرا ايديلان يمينك استقامتى وتوقيع قلنان حكمك وجهى غير ظاهر اولنديغندن شاين قبول اولماديلى

★
★ ★

حيانه قضاسى محكمه شرعيه سندن معطى ۲۶ شعبان ۳۳۴ تاريخلى اعلام بروجيه آتى نقض اولنلشدر. مهرى مطابق ومالى مدعى عليه مرقوم بروجيه محرر معارضه دن منع اولنديغنى بياندن عبارت وولينك اسقاط يمينه صلاحيتى بولنديغنى جهتله حادثه ده بروصى نصب اولنه رق مزبورده نك بالطلب تحليفى مقتضى اولمغله مجلس تدقيقات شرعيه به توديع اولندى .

★
★ ★

اينه بولى قضاسى محكمه شرعيه سندن معطى ۲۵ صفر ۳۳۴ تاريخلى اعلام بروجيه آتى نقض ايدلشدر .

اعلام مذ كورده مدعى عليه مرقومك افاده سى مشوش ومحتاج تصحيح وايضاح بولنديغنى جهتله محاكمه جاريه نك سلامتى ويمينلرك استقامتى وتوقيع قلنان حكمك صحى منفهم اوله مديغندن وتزكيه محكيه ده مزيلرك اسم وشهرتلى درج ايدلديكندن سبكي وجوهله مختل اولمغين بوضورته ايجاب حالك ايفاسى ضمنتده محكمه مذ كوره به اعاده سى اقتضا ايدر .

★
★ ★

مفتيساسنجافى محكمه شرعيه سندن معطى ۵ صفر ۳۳۴ تاريخلى اعلام بروجيه آتى نقض ايدلشدر. اعلام مذ كورده مأجور مذ كورك بعض اقسامى بعد الاشغال اقسام سائر سندن

بروجه محرر فی الجمله استیفای منفعت ایتمسلیه حادثه ده مستأجر مرقومك حق فسخی منتفی اولدینی حالده منوال مشروح اوزره فسخ ایجاره حکم توقیعی اصولنده اولمدیغندن سبکی مختل اولغین بوصورنده ایجاب حالك ایفاسی ضمنتده محکمه مذ کوره یه اعاده سی اقتضا ایدر .



قره مرسل قضاسی محکمه شرعیه سندن معطی ۲۲ شوال ۳۳۴ تاریخلی ظهیری بروجه آتی نقض ایدلشد .

ظهیری مذ کوره ده ایجاب سابقه توفیق معامله ایدلماش اولدینی کبی حادثه ده رجوع دعوی اولمدینی وقبول وصیت منکر بولمدینی حالده وصیت حقنده اعلام اولده استماع ایدلماش اولان شهود ضربورون شهادت لرینك عدم قبوله متدائر سرد ایدیلان مطالعه نك دخی مستند الیهی غیر ظاهر بولنش اولدیغندن قبوله شایان اولمامغین بوصورنده ایجاب حالك ایفاسی ضمنتده محله اعاده سی اقتضا ایدر .



انظا کیه قضاسی محکمه شرعیه سندن معطی ۲۵ شوال ۳۳۴ تاریخلی اعلام بروجه آتی نقض اولنشد .

اعلام مذ کورده مدعی علیها ضربورده نك افاده واقعه سی توضیح ایدلمدیکندن بومرتبه ایله دفع شرعی تشکیل ایده بیللمسی محل نظر اولمقله برابر تاریخ اقرار تصریح اولنماش وشهادته نظر آضربورده نك اول تاریخده اخر ك منکوحه ویا معتده سی اولدینی حسن اولنمقده ایسه ده بوجهت دخی استیضاح ایدلماش اولدیغندن بر منوال محرر توقیع قلنان منع معارضه حکمنك استقامتی غیر منفهم اولمقله سبکی نقصان و خلل دن خالی اولمامغین بوصورنده ایجاب حالك ایفاسی ضمنتده محکمه مذ کوره یه اعاده سی اقتضا ایدر .



بالیکسر منجای محکمه شرعیه سندن معطی ۲۹ شوال ۳۳۴ تاریخلی اعلام بروجه آتی نقض ایدلشد .

اعلام مذ کورده معجلات مذ کوره دعواسنده مرور زمان بولمادیغنه تعرض اولنماقله برابر شاهدان ضربوران متوفای ضربورك بابا و دده سی اسلمرینی ذکر ویا غیریدن تمیز

حاصل اوله جق وصفی بیان ایلدکلی کوسترلماش و بشی برک النون و یوز درهم کوش
حقنده دعوی ایله شهادت ییتنده ملایمت مفقود بولنش و کوشک مثلی منقطع اولدینی تصریح
ایدلماش اولدیغندن بروجه محرر توقیع قلنان حکمده استقامت غیر ظاهر اولغله سبکی
نقصان و خللدن خالی اولماغین بو صورتده ایجاب حالک ایفاسی ضمننده محکمه مذکوره یه
اعاده سی اقتضا ایدر .

★
★ ★

زعفرانبولی قضاسی محکمه شرعیه سندن معطی ۲۲ شعبان ۱۳۳۲ تاریخی اعلام بروجه آتی نقض ایدلشدور .
اعلام مذکورده امتعه تجاریه مذکوره نک مقبوض اولدیغنه تعرض اولنماقلا برابر
اساس دین عثمانلی لیراسی اولدینی و غیر از تسلیم متبایسنک دخی مثلاً مطالبه سی مقتضی
بولدینی حالده بروجه محرر غروشه تحویلله دعوی و حکم توقیع ایدلمسک وجهی غیر
ظاهر اولدیغندن سبکی نقصان و خللدن غیر خالی اولماغین بو صورتده ایجاب حالک ایفاسی ضمننده
محکمه مذکوره یه اعاده سی اقتضا ایدر .

★
★ ★

انطالیه سنجاغی مرکزی اولان تکه محکمه شرعیه سندن معطی ۳۰ جمادی الاخره ۱۳۳۴
تاریخی اعلام بروجه آتی نقض ایدلشدور .

اعلام مذکورده حکمی قسماً تنفیذ ایدلدیکی حکایه اولنان اعلام غایبده اشیاء محرره
مذکوره حقنده مدار بائیکلیه مفقود اولدینی و کوبه یه متدائر اولان شهادت دعوا یه غیر
موافق و توقیع قلنان حکمده تردید و تشویش بولدینی جهته اعلام غایبی مباحوث و جوهله
مختل اولدینی کبی محاکمه و جاهیه ده معترضان مزبور تان مدعا یهای مذکوره یی وجه
محرر اوزره تمامیه بعد الاقرار تسلیم مدافعه لرینی اثباتدن اظهار عجز ایتلمی اوزرینه
بالطلب مدعی علیه مرقومک تحلیفی اجرا قلنش اولدیغندن اقرار واقعه لیه الزام ایدلملی
ایجاب ایدر ایکن تحت اقرار لرنده بولنان اشیاء مذکوره حقنده اخیراً اجرا ایدیلان
محاکمه نک وجهی غیر ظاهر و فقره حکمیه تشویش و اعوجاجدن غیر سالم اولماغین بو صورتده
ایجاب حالک ایفاسی ضمننده محکمه مذکوره یه اعاده سی اقتضا ایدر .

★
★ ★

اٲكى قضاىى تحكه شريعى سندن معطى ۱۴ شعبان ۱۳۳۴ تاريخلى اعلام بروجى آتى منقوضدر .
مهرى مطابق ايسه ده مز بوره نك نفقه سنه صرف اوله جق غائب مرقومك عروض
و عقارى و اقراض ايدى جك كيمسه سى بولنديغنه تعرض ايدلمدىكى و مخبران مز بورانك
اخبارلى حادثه ده مرتبه كفايه ده اولناديغى و اشهد مفاديله اداى شهادت ايتدىكلى كى
سراً و علناً تزكيه لى دخی اجرا ايدلماش اولديغندن سبكى مشوش و سبكى مختل ايدوكى .

★
★ ★

بوى آباد قضاىى محكه شريعى سندن معطى ۱۳ جمادى الاخره ۳۳۴ تاريخلى اعلام بروجى آتى منقوضدر .
اعلام مذ كورده مدعى و مشهود به مذ كور حيوان مجلس شرعى احضار اولنوب
كندويه اشارت و يا قيمت و اوصاف ممیزه سى بيان اولنديغنه و ثمنك مدعى مز بوره
طرفدن دفع و تسليم ايدلىكنه تعرض اولناديغندن سبكى نقصان و خاللدن خالى دكلدر .

★
★ ★

مفتى ساسنجاغى محكه شريعى سندن معطى ۲۹ ربیع الاخر ۳۳۴ تاريخلى اعلام بروجى آتى منقوضدر .
اعلام مذ كورده فى الحال وقف مذ كورك بالاستقلال متولى سى اولديغى روش
اشعاردن مفهم اولان مدعى مز بوره نك مدعا به اجرت مذ كوره نك تمامنى مطالبه دن منع
ايدلمسك وجهى غير ظاهر اولديغى كى ملفوف وقفیه ده خمس غله نك متولى به و اربعه
اخماسك جهات سائر به عايدتى ذكر و تصريح ايدلمش اولسنه كوره ايام معطله حقنده
مز بوره نك اقرارى غير مؤثر و بناءً عليه حادثه ده بو جهته نظر آ مدار مفقود اولديغندن
سبكى نقصان و خاللدن غير خاليدر .

★
★ ★

طرابلس شام محكه شريعى سندن معطى ۶ شعبان سنه ۳۳۴ تاريخلى اعلام بروجى آتى
منقوضدر .

اعلام مذ كورده وصيك اسقاط يمينه صلاحيتى مفقود اولديغى نظر دقتى آله رقى
حادثه ده بر وصى نصيبه متوفانك اقرارنده كاذب اولنديغنه بالطلب مدعينك تحليفى مقتضى
اولديغى حالده بو جهته مراعات ايدلمدىكى كى مبرز سندك تزوير و تصنيعدن سالم بولنديغنه
دخی تعرض اولنماش اولديغندن سبكى نقصان و خاللدن غير خاليدر .

★
★ ★

کنفری سنجانی محکمه شرعیہ سندن معطی ۱۹ محرم ۳۳۴ تاریخلی اعلام بروجه آتی منقوضدر .
اعلام مذکورده متوفای مرقوم واسیلاکینک ضبطده کی افاده محکیه سی امضا و یا
مهریله مصدق اوله رق ضبطک شایان وثوق و اعتبار بولندیفی صورت اشعاردن منقهم
اوله دینی جهتله ضبط سابق مباحوث عنک بروجه محرر مدار اتخاذهنک وجهی غیرظاهر
اولقله برابر حادثه ده مدعی علیه مرقومک طالب تحلیف اولدیغنه و یا بالطلب عدم علمه
مدعینک تحلیفنه و یمین استظهارک بشقه جه اجراسنه دخی تعرض ایدلماش اولدیغندن
سبکی نقصان و خللدن غیر خالیدر .

*
*

معان قضاسی محکمه شرعیہ سندن معطی ۸ ذی القعدة ۳۳۳ تاریخلی اعلام بروجه آتی منقوضدر .
اعلام مذکورده ارض مذکورک بیعی موکلون مزبورونک اذنلرینه مستند و یا شرائط
اجازت موجوده ایکن اجازتلی ملتحق اولدیغنه تعرض ایدلدیکندن ثمن حقنده کی
دعوانک صحتی و عوائد مذکوره مدعی علیه مرقومک اوغلی طرفندن بلا اذن خزینهدن
استلام ایدلدیکی افاده اولندیفی حالده اولبابده مدعی علیه مرقومه خصومت توجیهنک
استقامتی غیرظاهر اولدیفی کی مدعی علیه مرقومک محاکمه سابقه ده کی محکی تقریرندن
صلحک نه کی املا که عائدیتی واضحاً غیر مستفاد اولدیغندن املاک مذکوره حقنده
وجه محرر اوزره توقیع قلنان حکمک مداری غیر منقهم بولنمش اولقله سبکی مختلدر .

*
*

سعید ابلی قضاسی محکمه شرعیہ سندن معطی ۳ رمضان ۳۳۴ تاریخلی اعلام بروجه آتی
منقوضدر .

مهری مطابق ایسه ده دعوائی مذکوره بعض مرتبه محتاج تصحیح و ایضاح اولقله
برابر مدعی علیها مزبورونک دفع مشروحو حقنده مزبورونک طلیله و طالبه اولدیفی
صورته صغاره آخر بر وصی نصب ایدیله رک بالطلب مدعی مزبورک وجه شرعی
اوزره اجرای تحلیفی مقتضی اولدیفی حالده بو جهته دخی مراعات اولنماش و اموال
مدعا بهادن مدعی مزبوره بروجه محرر قیمت اعتباریله حصه اعطاسنک وجهی غیرظاهر
بولنمش اولقله سبکی نقصان و خللدن خالی دکلدر .

